

# Экнр үрдиннь төлэ

Нарт делкән багъчудин фестивальд белдлгән советск олн улсин күндтә үүлдврт хуврв.

Мана хальмг танъгъчин багъчуд эн фестивальд орлгъна белдлгъ келгънд бас ик-багъ уга орлцдж бәәнә.

Элстин культурин Герин ик хорад эмгәрг-эмгәрг, наснь медәрдж йовх улс үүл бәрәд сууцхана. Зәрмнь эд тарлжнънулад шуулад, хәәчән шавджнънулад, ирмәгинь хәәчләд ишкнә. Зәрмнь машигъяр цокад, уйна.

—Экчнр ямр төр үүлддж бәәцхәнәт?—гидж сургдна.

—Эн мана багъчудин фестиваль болхмн гирәд, унтл-кевтл уга, кәдлджәнә бидн.

—Багъчудин фестиваль болхла, кәгшрдж йовх таанр юючвт?—болад хара бәәхәр шоглхла, хәрүднъ эдн бас үгән өгхш.

—Бидн кәгшн чигн болтха, манд үрд бәәнә!—болцхана.

—Экнр, үрдиннь төлэ... Тиигдж эклчкәд, гаран саджад, Лиджин Ондр инәмсклдж келнә:

—Мини үрд ода чигн багъ. Үрд болсн хөбн—йилгъл бәәхий? Эн мана танъгъчин

багъчуд, энъкр мана цугъаран үрд. Эдн сәәнд үзгдхлә, мана танъгъчин нерн өбдлхмн...

Тер кевәр кәгшн, бичкн күртлән нарт делкән багъчудин фестивальд белдджәцхәнә. Хальмг хувц-хунр өдгә цага багъчуд уйна гидг нәрн төр болдж гарна. Тер зовлнъгднъ өнр цага эндрк мана багъчудт энъкр экнрнъ ирәд нөкд болна.

Лиджин Бадм-Хаалгъ ода тәвн долата. Хаджуднъ Бадуша Эәнә сууна, бас тәв гарч одла. Эн хойр эмгдин ард дахлдад бас дөч алхад гарчксн, тәвнд өбрдәд одцхасн Күрлдән Олзәт, Пономарева Анна, Лиджин Ондр—өдр-сө уга тер үүлдвр кецхәнә. Эдн дотр хальмг келтә орс гергн Пономарева Анна хувц уйна.

—Наснь туршарт хальмг дотр өсләв, ода харгъад ирхлә, эцк-экм әмдрсн метәр байрлнав!—гидж Анна келнә.

Тер мел унн. Кәгшн-бичкн күртлән, орс-хальмг цугъарн нарт делкән фестивальд белддж бәәцхәнә.

—Экнр үрдиннь төлэ!

Э ӘНӘН ЭНЪК